

ԱՐԵՎԵԼՅԱՆ ԳՈՐԾԸՆԿԵՐՈՒԹՅՈՒՆԸ ՈՐՊԵՍ ԵՄ
ՏԱՐԱԾԱՇՐՋԱՆԱՅԻՆ ԾՐԱԳՐԵՐԻ
ՎԵՐՋՆԱՅԱՆԳՐՎԱՆ

Այսօր Հարավային Կովկասի հետ հարաբերությունների հաստատումը կարևորագույն առաջնահերթություն է ԵՄ հարևան տարածաշրջանների հետ հարաբերությունների հաստատման գործում, քանի որ անմիջականորեն առնչվում է Եվրոպայի կայունության ապահովման հետ: Արևելյան գործընկերությունը Եվրամիության ծրագրերից է, որը նպատակ ունի խթանել փոխադարձ կապերն ու համագործակցության նոր չափումներ ստեղծել ու զարգացնել ԵՄ-ի, իսկ մյուս կողմից՝ նախկին ԽՍՀՄ-ի 6 հանրապետությունների՝ Հայաստանի, Վրաստանի, Ադրբեջանի, Բելառուսի, Ուկրաինայի և Մոլդովայի միջև: Հարկ է նշել, որ Արևելյան Գործընկերությունն առաջին անգամ պաշտոնապես ներկայացվեց 2008թ.-ի մայիսի 26-ին Բրյուսելում Լեհաստանի և Շվեդիայի արտգործնախարարներ Ռադոսլավ Սիկորսկու և Կարլ Բիլդտի կողմից: Նախաձեռնության ներկայացման ժամանակ Նախարար Սիկորսկին նշեց, որ ինչպես «Հարավում», այնպես էլ «Արևելքում»՝ իրենց չրջապատված են եվրոպական հարևաններով: Լեհ և շվեդ նախարարները հակված էին այն դիրքորոշմանը, որ եթե ԵՄ-ն ձգտում է ամրապնդել իր համագործակցությունը հարավային ուղղությամբ, ապա անհրաժեշտ կլինի այդ քայլերը հավասարակշռել՝ շեշտադրում կատարելով նաև արևելյան ուղղության վրա¹:

Ինչպես ամրագրված է 2009թ.-ի մայիսի 7-ին Պրահայում ընդունված միասնական հռչակագրում, որն էլ ծրագրի իրագործման պաշտոնական սկիզբը դարձավ, Արևելյան գործընկերությունը նպատակադրված է ստեղծել ԵՄ-ի և գործընկեր պետությունների միջև քաղաքական հաղորդակցումը և հետագա տնտեսական ինտեգրումը ապահովելու համար անհրաժեշտ պայմաններ: Այն չի նախատեսում ԵՄ-ին անդամակցություն, սակայն մի շարք օգուտներ է բերում մասնակիցներին: Ծրագիրը նախատեսում է վերափոխումների իրագործում հետխորհրդային 6 հանրապետություններում, երկկողմ ու բազմակողմ համաձայնագրերի կնքում, միասնական ինստիտուտների կառուցման ծրագրեր, ազատ առևտրի գոտիների ձևավորում, մուտքի արտոնագրի ռեժիմի ազատականացում, ինչպես նաև էներգետիկ անվտանգության ապահովում²:

¹ Stu Lapczynski Marcin, The European Union's Eastern Partnership: Chances and Perspectives, Caucasian Review of International Affairs, Vol. 3(2) – Spring 2009

² Stu Joint declaration of the Prague Eastern Partnership Summit, 7 May 2009, Prague, points 2- 9:

Ծրագրի վերաբերյալ Եվրահանձնաժողովի նախագահ Ժոզե Մանուել Բարոզոն նշեց. «Սիայն երկու կողմերի քաղաքական ամուր կամքի և նվիրվածության շնորհիվ Արևելյան գործընկերությունը կկարողանա հասնել քաղաքական գործակցության և տնտեսական ինտեգրման իր նպատակներին: Մենք նույնիսկ պետք է ավելի մեծ ներդրում կատարենք մեր կայունության և բարգավաճման գործում: Այն արագորեն կփոխհատուցվի քաղաքական և տնտեսական դրական կարևոր արդյունքների ձեռքբերման միջոցով, ինչպես նաև կայունություն և անվտանգություն կապահովի թե՛ ԵՄ և թե՛ մեր արևելյան գործընկերների համար»³: Այս գործընկերության կարևորությունը ընդգծել է նաև Եվրոպական Հարևանության Քաղաքականության (ԵՀՔ) և արտաքին հարաբերությունների հանձնակատար Բենիտա Ֆեռերո-Վալդերը՝ նշելով, որ այն մոր էլ է բացում իրենց արևելյան հարևանների հետ հարաբերություններում: Հանձնակատարը միաժամանակ կարևորեց, որ այս ծրագիրը ձևավորվել է Հարավային Կովկասում և Արևելյան Եվրոպայում տեղի ունեցած իրադարձությունների հիմքով, որոնք ազդեցություն են ունենում ԵՄ-ի վրա: Ֆեռերո-Վալդերի համոզմամբ՝ Արևելյան Գործընկերության երկրների նկատմամբ ԵՄ քաղաքականությունը պետք է լինի հստակ, կանխարգելիչ և ուժեղ⁴:

Կարելի է փաստել, որ Եվրոպական միության ընդլայնումը հանգեցրեց նրան, որ վերոնշյալ վեց պետությունները ավելի մոտեցան ԵՄ-ին, իսկ արդյունքում նրանց անվտանգությունը, կայունությունը և բարգավաճումը սկսեց մեծապես ներգործել ԵՄ-ի վրա: Գործընկերության ծրագրի բոլոր մասնակիցները իրականացնում են տարբեր մակարդակների քաղաքական, տնտեսական և սոցիալական բարեփոխումներ և նպատակադրում ունեն ավելի սերտացնել գործակցությունը ԵՄ-ի հետ: Արևելյան գործընկերություն ծրագրով ԵՄ-ն իր Արևելյան գործընկերներին առաջարկում է հստակ, հեռահար աջակցություն՝ ժողովրդավարական և շուկայական վերափոխումների համար, որը կնպաստի նրանց քաղաքական և տնտեսական կայունությանը⁵:

Հիմնվելով ԵՀՔ-ում ունեցած առաջընթացի վրա՝ Արևելյան գործընկերությունը համագործակցության համար առաջարկում է երկակի և բազմակի լայնածավալ չափումներ: Հատկանշական է, որ ծրագրի իրականացման ընթացքում պահպանվելու է Եվրոպական Հարևանության Քաղաքականության գերակա սկզբունքը, այն է՝ թե որքան հեռու կգնա ԵՄ-ն յուրաքանչյուր երկրի հետ ունեցած հարաբերություններում, կախված կլինի գործընկերների կողմից

³ Stb U Lapezynski Marcin, The European Union's Eastern Partnership: Chances and Perspectives, Caucasian Review of International Affairs, Vol. 3(2) – Spring 2009

⁴ Stb Արևելյան Գործընկերություն, <http://www.mineconomy.am/am/94/>

⁵ Stb U Eastern Partnership – Questions and Answers, 04.12.08, European Commission External Relations, http://ec.europa.eu/delegations/ukraine/documents/eastern_partnership/faq_en.pdf

իրականացվող վերափոխումներում և արդիականացման գործում ունեցած առաջնադասումից:

Արևելյան գործընկերության ծրագրում առկա հիմնական կետերն են.

1. Նոր փոխկապակցման համաձայնագրեր՝ ներառյալ խորը և համապարփակ ազատ առևտրի համաձայնագրեր նրանց համար, ովքեր պատրաստ են և ցանկանում են ձեռնարկել հեռու գնացող գործողություններ ԵՄ-ի հետ,
2. ԵՄ-ի կողմից ձեռնարկված բազմակողմ ծրագրեր, որոնք նպատակ են հետապնդում զարգացնելու գործընկերների վարչական կարողությունները, որպեսզի կարողանան իրագործել ԵՄ-ի առաջարկները,
3. «Տեղաշարժի և անվտանգության մասին» դաշնագրերի կնքում, որոնք թույլ կտան հեշտությամբ օրինական կերպով ճանապարհորդել եվրոպական Միությունում՝ միևնույն ժամանակ մեծացնելով ջանքերը կոոլացիայի, կազմակերպված հանցավորության և անօրինական միգրացիայի դեմ պայքարում,
4. Հանձնաժողովի կողմից աշխատանքի շարժունակության հնարավորությունների քննարկում՝ ԵՄ աշխատանքային շուկայի հետագա ընդլայնման նպատակով,
5. Էներգետիկ անվտանգության ապահովում ԵՄ-ի և նրա արևելյան գործընկերների համար,
6. Մարդկանց միջև շփումների զարգացում և քաղաքացիական հասարակության ու այլ շահառուների ներգրավվում,
7. Շրջակա միջավայրին և կլիմային առնչվող խնդիրների շուրջ ակտիվ համագործակցություն,⁶
8. ԵՄ տնտեսության հետ աստիճանական ինտեգրում՝ ներառյալ կարգավորման համապատասխանեցման վերաբերյալ օրենքով սահմանված հանձնառություններ,
9. Գործողություններ գործընկերների միջև ազատ առևտրային ցանց զարգացնելու ուղղությամբ, որի երկարաժամկետ նպատակը կարող է լինել Հարևանության տնտեսական համայնքին անդամակցելը,
10. Մասնակից երկրներում տնտեսական և սոցիալական զարգացման ծրագրեր, մասնավորապես այդ ոլորտներում առկա անհամաչափությունների հարթում,
11. Քաղաքականությունների չորս բազմակողմ հարթակների ստեղծում: Դրանք են՝ ժողովրդավարություն, հաջող կառավարում և կայունություն, տնտեսական ինտեգրում և ԵՄ քաղաքականությունների հետ համապատասխանություն, էներգետիկ անվտանգություն և միջանձնային հարաբերություններ, որոնք հետագայում կնպաստեն գործընկեր պետություններում բարեփոխումների անհատական ծրագրերի իրականացմանը⁷:

ԵՄ Հանձնաժողովը առաջ է քաշել հինգ առաջնահերթ նախաձեռնություններ՝ կիզակենտում պահելով բազմակողմ համագործակցությունը: Նրանց հաջողությունը կախված կլինի գործընկերների կողմից իրականացվող

⁶ Տես նույն տեղը:

⁷ Տես Արևելյան Գործընկերություն, <http://europeanmovement.am/page.aspx?id=248&lang=3>

քաղաքական գործողությունների՝ ԵՄ-ի կողմից համապատասխան ֆինանսական աջակցության հետ մեկտեղ:

- Միասնական սահմանների կառավարման ծրագիր (ԵՄ ստանդարտներին համապատասխան, մարդկանց շարժունակության առաջընթացի համար անհրաժեշտ պայման),

- Բարենպաստ պայմաններ ՓՄՁ-ների համար (փոքր և միջին ձեռնարկությունները կստանան արտաքին խթան աճի և զարգացման համար տեխնիկական աջակցության, ֆինանսական միջնորդների, ռիսկային կապիտալի և վարկերի միջոցով),

- Տարածաշրջանային էլեկտրաէներգիայի շուկաներ, բարձր էներգետիկ արդյունավետություն և նորացված էներգետիկ ռեսուրսների մեծ կիրառում (համապատասխան կարգավորումներ և ֆինանսական մեխանիզմներ),

- Հարավային էներգետիկ միջանցք(սա կարևորագույն կառուցվածքային նախաձեռնություն է, որ նպաստում է տարանցման ուղիների և մատակարարման աղբյուրների տարբերակմանը ԵՄ-ի և նրա գործընկերների համար),

- Բնական և տեխնածին պատահարների արձագանքում, նախապատրաստում կամ կանխում (ամրապնդել արհավիրքների կառավարման ունակությունները և ձևավորել արդյունավետ համագործակցություն ԵՄ-ի և գործընկեր պետությունների միջև)⁸:

Հարկ է նշել, որ ԵՄ-ի Արևելյան գործընկերությունը ծրագրի ձևավորման շարժառիթները մի քանիսն են: Նախ և առաջ Եվրամիությունը չունի բավարարներուժ առավել ընդարձակվելու համար: Պատճառն այն է, որ գնալով ԵՄ-ում խորանում է ներքին տարբերակումը: Միասնական կառավարումը չափազանց բարդացել է, քանի որ տարբեր մշակույթների կրողները տարբեր կերպ են արձագանքում միևնույն գործողություններին ու ծրագրերին: ԵՄ անդամների շահերի տարբերությունների պատճառով առանցքային որոշումների ընդունման գործընթացը վեր է ածվում բավականին բարդ ու բազմամակարդակ համաձայնությունների արդյունքի: Իսկ Արևելյան գործընկերության մեջ ընդգրկված երկրներից մի քանիսը, մասնավորապես Ուկրաինան, Վրաստանը և Մոլդովան փափագում էին անդամակցել ԵՄ-ին: Այս առումով Արևելյան գործընկերությունը ԵՄ-ի արդարացումն է թեկնածու պետությունների առջև, որոնց առաջարկվում է համագործակցություն մի շարք ոլորտներում ԵՄ-ին անդամակցության փոխարեն՝ դրանով սառեցնելով նրանց սպասումները միանալու ԵՄ-ին: Մյուս շարժառիթը այն է, որ Եվրոպական հարևանության քաղաքականությունը, որի հիմքում ընկած էր ԵՄ-ի շուրջ «բարեկամների շրջանակի», բարգավաճման, կայունության ու անվտանգության գոտու ստեղ-

⁸ Տե՛ս Eastern Partnership – Questions and Answers, 04.12.08, European Commission External Relations, http://ec.europa.eu/delegations/ukraine/documents/eastern_partnership/faq_en.pdf

ծումը, ինչ նպատակով էլ հարևան տարածաշրջանների երկրներին նախատեսվում էր տրամադրել զգալի տնտեսական և քաղաքական օժանդակություն, ընդգրկում էր չափազանց բազմազան տարածաշրջաններ ու պետություններ՝ Մարոկոյից մինչև Բելառուս, ներառյալ Իսրայելը, Եգիպտոսը, Սիրիան, Հարավային Կովկասը։ Սրանք միմյանցից տարբերվում էին ոչ միայն իրենց պատմական ժառանգությամբ և զարգացման ուղիների ձևաչափերով, այլ նաև աշխարհառազմավարական տեղայնացմամբ։ Որոշ ժամանակ անց ստեղծվեց Միջերկրածովյան երկրների միությունը, որը նախատեսված էր ԵՀԶ Միջերկրածովյան մասնակիցների՝ Հյուսիսային Աֆրիկայի և Միջին Արևելքի երկրների համար։ Ուստի ԵՄ-ն անհրաժեշտ համարեց նաև նման ծրագրի ձևավորումը ԵՀԶ Արևելյան եվրոպական մասնակիցների համար։ Այս ծրագրերի միջոցով ԵՄ-ն ցանկանում է մեծացնել դրանց անդամ-պետությունների օրենքների և սկզբունքների համապատասխանությունը իր չափանիշներին։ ԵՀԶ-ի «անորոշության» ուժգնացմանը և քաղաքականության արդյունավետության մակարդակի նվազմանը նպաստեց նաև ԵՄ-ի և ԱՄՆ-ի երբեմնի բազմակողմ ջանքերի ակնառու նահանջը, ինչը առավել պարզ դարձավ հատկապես 2003թ. իրաքյան պատերազմի հետևանքով առաջացած հակասությունների ֆոնին։ Ի տարբերություն Եվրոպական հարևանության քաղաքականության՝ Արևելյան գործընկերությունը օպերացիոնալ տեսանկյունից ավելի առարկայական բնույթ է կրում, չնայած որ համագործակցության ստեղծվող ձևաչափը դեռևս բավարար չափով ինստիտուցիոնալիզացված չէ։ Մեկ այլ շարժառիթ է համարվում այն, որ ԵՄ-ն ունի իր շահերը այս վեց երկրներում։ Այդ նպատակով նրանց տրամադրելով աջակցություն որոշ հարցերում՝ ԵՄ-ն փորձում է այս երկրներին վերցնել իր ազդեցության ներքո՝ դրանով վերահսկելով հետխորհրդային տարածքի մի մասը։ Սակայն այս ամենը ԵՄ-ի կողմից երբեք չի բարձրաձայնվում, քանի որ վերջինս չի ցանկանում լարվածություն ստեղծել Ռուսաստանի հետ և իր այդ նպատակին փորձում է հասնել անուղղակի ձևով։

Հարկ է նշել, որ ի տարբերություն Եվրոպական Հարևանության քաղաքականության՝ օպերացիոնալ տեսանկյունից Արևելյան գործընկերությունն ավելի ֆոկուսացված և առարկայական բնույթ է կրում, թեև համագործակցության ստեղծվող ձևաչափն առայժմ բավարար չափով ինստիտուցիոնալիզացված չէ։ Ավելին, չնայած ԵՄ պաշտոնական դիտանկյունից ծրագիրն իր մեջ կրում է նշանակալի գործառնական չափում (միջազգային հարաբերությունների տեսական մոտեցումներից, որը ենթադրում է արտաքին և ներքին քաղաքականությունների համասեռություն) և նպատակային հեռահար ուղղվածություն ունի հասնելու ԵՄ և վերոհիշյալ երկրների կառավարչական, էներգետիկ և քաղտնտեսական սեկտորների համապատասխանեցման բարձրացմանը՝ այդուհանդերձ ծրագրի իրագործումը կարող է ակնհայտ դարձնել մեկ

այլ մեծ միտում, որի հենքում ընկած կլինեն ավանդական ռազմավարական մրցապայքարի շարժառիթները:

Քաղաքական և ռազմավարական դիսկուրսի և պրակտիկայի հարթության մեջ, ի նկատի ունենալով վերոհիշյալ իրողությունը, Արևելյան գործընկերությունն ծրագիրը փաստացիորեն իր մեջ կրում է երկակի՝ որոշ իմաստով հակասական միջազգային կողմնորոշումներ: Մի կողմից Գործընկերության ծրագիրը կարող է խթանել փոխգործակցային ուղղության զարգացումը՝ նպաստելով Ռուսաստանի անմիջական մասնակցությամբ համընդհանուր եվրատլանտյան անվտանգության և կայունության նոր ճարտարապետության կայացմանը⁹: Մյուս կողմից՝ այն կարող է սկիզբ դնել մրցակցային տարրերի ուժգնացմանը, ինչն իր գործնական դրսևորումը կարող է գտնել ավանդական զսպման և հավասարակշռման ռազմավարությունների մեջ, որոնք, հնարավոր է՝ կորդեզրեն միմյանց հանդեպ տարածաշրջանային զարգացումների մեջ ներգրավված երկու ակտորները՝ Ռուսաստանը և ԵՄ-ն: Ընդ որում, հատկանշական է, որ երկու կողմերն էլ փաստորեն ընդունում են, որ հետխորհրդային տարածաշրջանում նրանք ոչ բարեկամներ են, բայց ոչ էլ թշմամիներ:

Սկզբնական շրջանում Եվրոպական հարևանության քաղաքականության հենքում ընկած էր ԵՄ-ի շուրջ «բարեկամների շրջանակի», կայունության, անվտանգության և բարգավաճման գոտու ստեղծումը: Հիշյալ ընդհանուր հայեցակարգի իրագործման հիմնական միջոցների շարքում էր տնտեսական և քաղաքական զգալի օժանդակության տրամադրումը հարևան տարածաշրջանների երկրներին՝ կոնսոլիդացնելու և արագացնելու վերջիններիս զարգացման ծրագրերը: Այդուհանդերձ, Բրյուսելում նախապես ընդգծեցին, որ ԵԶԶ-ի ծրագիրը միտված չէ վերաճելու ընդլայնման մի նոր փուլի: Ավելին, հարևանության ծրագիրը իր մեջ ներառում է բավականին խայտաբղետ պետություններ և տարածաշրջաններ, որոնք տարբերվում էին ոչ միայն իրենց պատմական ժառանգության յուրահատկությամբ և զարգացման ուղիների «ծնաչափերով», բայց նաև աշխարհառազմավարական տեղայնացմամբ՝ իր մեջ ընդգրկելով ինչպես Արևելյան Եվրոպան, այնպես էլ Հյուսիսային Աֆրիկայի ու Մերձավոր Արևելքի մի շարք պետություններ:

ԵՄ-ի Արևելյան գործընկերությունն ծրագրի նկատմամբ քաղաքական մոտեցումների երկու խոշոր խմբեր է հնարավոր առանձնացնել: Դրանցից առաջինը, որը գերակայող էր մասնավորապես սկզբնական փուլում (2008-2009թթ.), ելնում էր մայրցամաքային արդի իրադրության քաղաքական և ռազմավարական բևեռայնության թեզիսից (system-level polarity): Այսպես, օրինակ, Արտաքին քաղաքականության Գերմանական խորհրդի ծրագրի

⁹ Ств Россия XXI века: образ желаемого завтра, Институт современного развития, М. 2010, ст. 47:

ղեկավար ԱՌարի կարծիքով Արևելյան գործընկերությունը եվրահամձնաժողովի «ոչ առավել նշանակալի օրակարգն է, որը եվրամիությունը մշակել է արևելյան ուղղության քաղաքականության ուղղորդման համար»: Գերմանիան և Ֆրանսիան, որոնք մինչ այժմ ձգտում էին համակարգել ԵՄ գործունեությունը արևելքում, կողմնորոշված էին զարգացնելու առաջին հերթին համագործակցությունը Ռուսաստանի հետ: Ըստ Ռարի՝ «այժմ մենք թևակոխում ենք մի նոր փուլ, երբ Ռուսաստանին կմեկուսացնեն և կսկսեն նրա վրա ճնշում գործադրել: Հատկանշական է, որ գերմանացի փորձագետը ընդգծեց մի կարևոր հանգամանք. ԵՄ-ն ներառում է իր շահերի ոլորտ նաև Բելառուսին և Ադրբեյջանին, ինչը փաստում է Միության մտադրության մասին մերժման ոչ այնքան ժողովրդավարական պետությունների հետ, որքան զսպել Ռուսաստանին:

Ինչ վերաբերում է ԵՄ-ի Արևելյան գործընկերություն ծրագրի աշխարհաքաղաքական ուղղվածությանը և առիասարակ եվրոպական հարևանության արևելյան քաղաքականությանը, ապա մի կողմ թողնելով ԵՄ ներքին տրանսֆորմացիայի և արտաքին մասնավոր ազդակներով պայմանավորված շարժառիթները, հարկ է նշել, որ վերջերս մեկնարկած նախաձեռնությունները ինկրեմենտալ բովանդակություն կրելուց զատ պարունակում են նաև լատենտ հավասարակշռման որոշակի տարրեր: Համեմայնելիս, ՌԴ հարակից եվրասիական գոտիներում ինտեգրացիոն նախագծերի մրցակցությունը համադրելիության բացակայության պայմաններում կարող է խթանել հեռանկարում հավասարակշռման և զսպման ռազմավարական կողմնորոշումը:

2009թ-ի մայիսի 7-ին Պրահայում տեղի ունեցած ԵՄ-ի զագաթաժողովը դրեց Արևելյան գործընկերության մեկնարկը ¹⁰, որը մի կողմից Հայաստանի, Ադրբեյջանի, Բելոռուսի, Վրաստանի, Մոլդովայի, Ռկրաինայի և մյուս կողմից ԵՄ-ի և նրա անդամ-պետությունների և կառավարությունների ղեկավարների միջև, որտեղ քննարկվեց կողմերի միջև ԱԳ-ի կողմից սահմանվող հարաբերությունների նոր մակարդակը: Հանդիպման ընթացքում ընդգծվեց, որ ԱԳ-ը ԵՄ-ի անդամ երկրների և արևելաեվրոպական երկրների ջանքերի արդյունք է և հիմնվում է կողմերի փոխադարձ շահերի և պարտավորությունների վրա: Պրահայի զագաթաժողովի մասնակիցները միակարծիք էին այն հարցում, որ ԱԳ-ը պետք է հիմնվի միջազգային իրավունքի սկզբունքների և հիմնարար արժեքների վրա՝ ժողովրդավարություն, օրենքի գերակայություն, մարդու իրավունքների և հիմնարար ազատությունների հարգում, շուկայական տնտեսություն, կայուն զարգացում և լավ կառավարում: Հանդիպման վերջում մասնակիցների կողմից ընդունվեց «Միացյալ հռչակագիր՝ Արևելյան գործընկերու-

¹⁰ Stv European Council. Joint Declarations of the Prague Eastern Partnership Summit, Prague, 7 May 2009. 8435/09 (Presse 78). Brussels, 7 May 2009.

քյան Պրահայի գագաթաժողովի վերաբերյալ»¹¹։ Մասնակիցները ցանկություն են հայտնել խորացնելու և արդյունավետ դարձնելու երկկողմանի հարաբերությունները ԵՄ-ի և գործընկեր-երկրների հետ՝ հաշվի առնելով յուրաքանչյուր երկրի յուրօրինակ իրավիճակը և նպատակները՝ հարգելով գոյություն ունեցող երկկողմանի հարաբերությունները ԵՄ-ի և գործընկեր-երկրների միջև։ Ինչ վերաբերում է այս գործընկերության ներքո տրամադրվող լրացուցիչ ֆինանսական օժանդակությանը, ապա 2008թ-ին տրամադրված 450 մլն. եվրոյից բացի մինչև 2013թ. տրամադրվելու են լրացուցիչ 350 մլն. եվրո ֆինանսական միջոցներ¹²։ Հայաստանի դիրքորոշումն այս նախաձեռնությանը բարձրաձայնվեց ՀՀ նախագահ Սերժ Սարգսյանի կողմից, ով այդ օրը մշակակալից համարեց հայ ժողովրդի և «Արևելյան գործընկերություն» ծրագրում ընդգրկված այլ երկրների համար։ Ս.Սարգսյանն այս ելույթի ժամանակ մասնավորապես ասաց. «Մենք ստնում ենք այս գործընթացի մեջ մեր շուկաները փոխադարձաբար ավելի մատչելի դարձնելու, մեր քաղաքացիների և հասարակությունների միջև երկխոսությունը խթանելու, ապագան համատեղ կերտելու և մեր մշակույթները փոխհարստացնելու ձգտմամբ։ Եվ ես հավատում եմ, որ դա մեզ հաջողվելու է»¹³։ Նախագահի այս ելույթը փաստեց ՀՀ-ի դիրքորոշումը՝ ակտիվորեն ներգրավվելու Արևելյան գործընկերության շրջանակներում ծրագրվող նախագծերին։ Այս կառուցողական մոտեցումը, սակայն, հնարավորություն չի տալիս հասնել նույնօրինակ կառուցողական հարաբերությունների ծրագրի մյուս գործընկերների, մասնավորապես՝ Ադրբեջանի հետ ընդհանուր քայլերի խորացմանը։ Այսինքն՝ տարածաշրջանային անհամաձայնություններն ու հակամարտությունները սեպ են խրում գործընկերային հարաբերությունների միջև, քանի որ դեռևս չեն հասել վստահության այն մակարդակին, որի մասին հաճախ խոսվում է ԵՀԶ-ի շրջանակներում։

Ամփոփելով կարելի է նշել, որ Արևելյան գործընկերության շրջանակներում հարաբերությունների խորացումը հանդես է գալիս որպես ռազմավարական անհրաժեշտություն, ինչն ակնհայտ դարձավ հատկապես 2008թ. վրաց-հաբսալոսական 5-օրյա պատերազմից հետո, երբ տարածաշրջանում կայունության պահպանմանը ձգտող երկրները կանգնեցին այդ քաղաքականության ծախսողման վտանգի առաջ։

¹¹ St u Joint Declaration of the Prague Eastern Partnership Summit, 7 May 2009, Prague, www.mineconomy.am/upload/files/joint%20Declaration.pdf, 23/03/2010

¹² St u www.hanker.am/news.php?news_cat_id=9&news_id=3524&lang=1&color=b, 12/04/2010

¹³ St u ՀՀ նախագահը ԵՄ Արևելյան գործընկերությունն նախաձեռնությունը համարձակ ու փոխշահավետ է համարում։ Ե., 8 մայիսի։ http://www.ncwsarmenia.am/arm/1/20090508/4207015_2.html